



KLUB OMLADINSKIH POLITIKA



Javni poziv za prijem u članstvo u Klub omladinskih politika

Šta je Klub omladinskih politika?

Klub omladinskih politika (KOP) je neformalno tijelo mladih formirano od strane Vijeća mladih Općine Stari Grad Sarajevo koje će djelovati u periodu od septembra do novembra 2013. Glavni cilj osnivanja KOP-a je da mladi u opuštenoj atmosferi razgovaraju i kreiraju preporuke za Strategiju za mlade Kantona Sarajevo.

Šta će raditi članovi KOP-a?

Članovi/ice KOP-a će kreirati preporuke za Strategiju za mlade Kantona Sarajevo kroz 5 interaktivnih sesija, pri čemu će svaka sesija biti vezana za jednu omladinsku politiku koju obuhvata Strategija. Te omladinske politike su:

1. Zapošljavanje
2. Obrazovanje
3. Kultura i sport
4. Informisanje
5. Socijalna politika i zdravstvo

Kako će izgledati jedna sesija KOP-a?

Sesije će se održavati svake ili svake druge subote u periodu septembar-novembar 2013. Sesije će počinjati u 10 sati i održavat će se po sljedećem rasporedu i sa sljedećim aktivnostima:

10:00 – 11:00 – Prezentacija uvodničara o aktualnoj situaciji

Jedan od članova Upravnog odbora Vijeća mladih Stari Grad će biti uvodničar sesije KOP-a. Uvodničar prezentuje aktualnu situaciju u Kantonu Sarajevo po pitanju omladinske politike koja se razmatra, te daje eventualna poređenja sa zemljama regiona

11:00 – 12:00 – Izrada preporuka u grupama

Članovi/ice KOP-a u grupama od po 3-5 članova diskutuju i predlažu projekte i izmjene u segmentu omladinske politike koja se razmatra na toj sesiji. Svaka grupa priprema listu potencijalnih izmjena/projekata koje bi željeli da se nađu u Strategiji za mlade Kantona Sarajevo, a vezani su za konkretnu omladinsku politiku te sesije

12:00 – 13:00 – Prezentacija preporuka

Svaka grupa prezentuje preporuke na osnovu kojih svi članovi KOP-a učestvuju u diskusiji. Svaka predložena preporuka se ili prihvata ili odbija uz objašnjenje za odbijanje



KLUB OMLADINSKIH POLITIKA



Sesiju vode dva člana Upravnog odbora Vijeća mladih Stari Grad, od kojih je jedan i uvodničar sesije.

Mjesto održavanja sesija će biti naknadno određeno, a odabrani članovi/ice KOP-a će biti blagovremeno obaviješteni o tome.

Ko može biti član/ica KOP-a?

Član/ica KOP-a može biti svaka osoba od 15 do 30 godina. Pri izboru članova/ica, prioritet će imati oni/e aplikanti/ice koji su aktivisti/ce nevladinog sektora (posebno jednog od udruženja iz sastava Vijeća mladih Stari Grad), a zatim mladi koji žive na području Starog Grada.

Ukupno se bira 20-30 članova/ica KOP-a, a tačan broj će zavisiti od kapaciteta koji budu na raspolaganju Vijeću mladih, kao i od broja ukupno prijavljenih.

Zašto bih se učlanio/la u Klub omladinskih politika?

Zbog toga što ćeš kroz sesije Kluba omladinskih politika:

- Naučiti kakve su trenutne politike Kantona Sarajevo prema mladima
- Vidjeti kako u regionu i Evropi brinu o mladima
- Kreirati omladinske politike Kantona Sarajevo kakve želiš
- Dobiti vrijedan certifikat ukoliko prisustvuješ 4 ili više sesija
- Dobiti mogućnost da osvojiš vrijedne nagrade

Vrijedne nagrade?

Vijeće mladih Stari Grad je za najaktivnije članove/ice KOP-a obezbijedilo i vrijedne nagrade. **50% budžeta projekta je fond za nagrade.**

Nagrade će se odrediti naknadno i bit će poznate do predposljednje sesije KOP-a. Nagrade mogu biti: putovanje, izlet, planiranje, karte za paintball, osnovni kurs jahanja, streljaštva, ulaznice za kina, pozorišta, rekreativne, fitness i spa centre, ulaznice za bazene, kulturna i umjetnička dešavanja, knjige i sl.

Nakon svake sesije, članovi/ice KOP-a će dobivati bodove u skladu sa svojom aktivnošću i kvalitetom izrađenih preporuka za tu sesiju. Na posljednjoj sesiji, članovi/ice KOP-a će se rangirati prema ukupnom broju bodova sa svih sesija, te će članovi/ice koji osvoje prvo, drugo i treće mjesto na rang listi biti dobitnici nagrada.

Više detalja vezanih za sistem bodovanja, članovi/ice KOP-a će dobiti na prvoj sesiji.

Kako i kada se prijaviti?

Prijave se vrše putem prijavnog obrasca koji se može downloadovati zajedno sa ovim Javnim pozivom. Nakon što popuniš prijavni obrazac, **pošalji ga do 10. septembra 2013. na e-mail adresu: vijece.mladih.stari.grad@hotmail.com.**

12. septembra će svi prijavljeni/e dobiti na mail adresu rezultate Javnog poziva tj. spisak primljenih članova KOP-a. Isti dan će se spisak objaviti i na Facebook stranici Vijeća mladih Stari Grad.

Gdje mogu dobiti više informacija?

Pošalji e-mail na e-mail adresu: vijece.mladih.stari.grad@hotmail.com i ekspresno ćeš dobiti odgovor!